



Boletin number 3

Fecha importante den e simannan binidero:

<i>24 i 26 di novèmber 2020</i>	<i>Kòmbersashon tokante rapòrt</i>
<i>27 di novèmber 2020</i>	<i>Dia di estudio pa personal (muchanan ta liber)</i>

COVID-19

Te ku aworaki e kantidat di kasonan kontagiá ku COVID -19 ta bai den bon direkshon. Esaki naturalmente ta bon notisia, pero nos ta konsiente ku e situashon por kambia diripiente. Pa e motibu ei nos ta keda mantené tur e medidanan preventivo na skol por lo pronto. No ta pèrmití mayor riba e plenchi di skol, ta trese i hiba yu(nan) via e portanan di emergensia òf na e hèkinan pa subi riba e tereno di skol. Alumnonan mester laba nan man regularmente i durante oranan di dia, ta hasi limpiesa den e klasnan. Tambe nos ta keda pidi na bo(so) komo mayor pa mantené e distansia sosial di 1, 5 meter. Te ainda nos no tabatin niun alumno ni maestro di nos skol ku a wòrdu kontagiá ku e vírus COVID -19.

Den kaso ku esaki mester sosodé, nos lo deliberá kuidadosamente ku GGD pa disidí kua ta e medidanan korekto pa tuma na e momentu ei.

Dia di estudio

Riba djaluna 19 di òktober, nos ekipo tabatin un dia di estudio. Maestro i asistentenan di enseñansa ku ta traha den grupo 1 t/k 3, tabata hopi okupá ku preparashon i organisashon di e temanan di '4x wijzer' pa otro aña. E maestro i asistentenan di enseñansa ku ta traha den grupo 4 t/k 8, a sigui un kurso digital (ònline) di e programa 'Snappet'. E alumnonan ta haña tur dia, lèsnan adaptá (enseñansa na midí) pa e módulonon matemátika, ortografia i idioma. E diferensia grandi kompará ku ántes ta ku e alumnonan no ta traha tareanan den un buki mas, pero nan ta traha di manera digital riba nan lèptòp. Na nos skol nos ta trahando 3 aña kaba ku 'Snappet' pero pa keda na altura di tur desaroyo, ta rekerí práktika regularmente.

Seguridat di tráfiiko

Relashoná ku e seguridat di tráfiiko rondó di nos skol, lo ta mihó si tur outo lora na man drechi, na momentu di bandoná e tereno di skol. Esaki lo ta benefisioso pa fluho di tráfiiko ku tin riba e kaya i tambe pa seguridat di e tráfiiko. Ta nifiká ku outonan ku ker lora na man robes, mester bai dal un rònchi na e retònde promé. Esaki ta sugerensia di algun mayor i nos ta sosten'é. Lo ta bon si nos konsiderá e idea akí di awor pa dilanti.



Unifòrm di skol

Aktualmente tin sufisiente blusa pa skol na tur sais atrobe den stòk di Alfa & Omega.

Siman di buki pa mucha 9 t/k 13 di novèmber

Djis un tiki mas i lo ta asina leu. E Siman di buki pa mucha 2020 ta bai kuminsá.

E aña akí e tema ta 'E ora ei...'

Riba djaluna dia 9 di novèmber próksimo nos lo tin apertura di e Siman di buki na skol. Pa motibu di COVID-19, no ta posibel pa hasi un enkuentro òf selebrashon grandi. E apertura di e Siman di buki lo tuma lugá e aña akí di forma bailabel den e klasnan mes. Mas ku klaro, e aña akí tambe nos lo baila riba ritmo di e kantika ku ta kuadra ku e tema di e agrupashon 'Kinderen voor Kinderen'. Si boso yu(nan) ke kuminsá praktiká na kas, esaki ta e lenk.

https://www.youtube.com/watch?time_continue=2&v=e1X1D48H8uM&feature=emb_logo

Na skol nos lo dediká atenshon èkstra na bukinan ku ta enfoká riba 'historia' i 'bèk den tempu'den e próksimo dianan. Tambe tur grupo lo partisipá na un kompetensia kreativo, organisá pa e Biblioteca Públiko Boneiru, kaminda e enfoke lo ta riba 'Boneiru di ántes'.

Pa loke ta trata desaroyo di idioma i stimulashon di lesamentu, ta hopi importante pa bini den kontakto ku buki. Lesamentu no ta solamente emoshonante, dushi i dibertido, e ta tambe edukativo. Nos ta spera ku na kas tambe mayor ta dediká tempu èkstra na lesamentu i na e tema di e aña akí 'E ora ei...'

Kisas boso komo mayor por tin algu pa sostené e tema akí den klas? Pensa riba radio kasèt bieu, tokadisko òf otro artefaktonan ku ta kuadra ku e tema. Nos lo por hasi bon uso di esakinan den klas òf pa prepará un presentashon den oula. Si boso tin algu ku nos por fia? Nos ta apresia! No lubida di pone un papelito ku boso nòmber riba e artefakto. Na final di e Siman di buki, naturalmente nos lo entregá tur opheto ku nos a fia, bèk na su doño.

Un saludo kordial,

*Gerald Kolenbrander
Direktor di bs De Pelikaan*